

HØGSKOLEN
I BERGEN



ÅRSMELDING 2014

EIT HISTORISK ÅR FOR HØGSKOLEN

I 2014 nådde Høgskolen i Bergen fleire strategisk viktige mål – både fagleg og organisatorisk. Den største endringa hittil i høgskolen si historie er gjennomført, med innflytting i nybygget på Kronstad og i rehabilitert campus i Møllendalsveien.

Dei tilsette ved høgskolen gjorde ein stor innsats då heile institusjonen vart relokalisert i 2014, i omstilling av deler av dei administrative støttenestene og i arbeidet med å få organisasjonen innplassert i dei nye lokala. Bygga våre framstår som gode arenaer for læringsmiljø, med moderne digitale hjelpemiddel og med stor studentaktivitet gjennom heile arbeidsdagen. Studiestart i dei nye lokala var ei stor oppleving både for tilsette og studentar, og sjølvne opningsveka med mange kulturelle og faglege arrangement vil vi alle minnst med stor glede.

Året var også prega av høg aktivitet både på forskings- og utdanningsområdet, og på dei fleste målepunkta skårar høgskolen høgare i 2014 enn året før. Eit tydeleg teikn på den faglege kvalitetsutviklinga var at vi oppnådde godkjenning av det første doktorgradsprogrammet, «Studiar av danning og didaktiske praksisar». I tillegg kjem godkjenning av fleire nye masterprogram som sikrar framtidig rekruttering til doktorgradsprogramma.

Det store talet studentar som møter fram på campus kvar dag og arbeider gjennom heile dagen, tek vi som eit signal på trivsel blant studentane, og at dei arbeider jamt og godt.

Beste helsing




Ole-Gunnar Søgne

Ole-Gunnar Søgne
rektor



Audun Rivedal

Audun Rivedal
høgskoledirektør





Ledergruppen i DiaHealth, fra venstre:

Johannes Haltbakk, Marit Kirkevold, Berit Rokne, Marjolein M. Iversen, Truls Østby, Marit Graue og Anne Haugstvedt.

BANEBRYTANDE DIABETESFORSKING

Diabetes er ein av dei store folkesjukdomane i vår tid. Likevel viser forskning at mindre enn 20 prosent med type 2 diabetes i primærhelsetenesta oppnår dei anbefalte behandlingmåla. I lys av dette er det behov for forskning som kan bidra til å heve kvaliteten i tenestene.

Forskarane i prosjekt DiaHealth undersøker diabetesbehandling, eigenhandtering og oppfølging av personar med diabetes. I tillegg får dei ny kunnskap om helsepersonell sine erfaringar med bruk av ny teknologi.

Forskargruppa er samansett av forskarar frå Høgskolen i Bergen, Universitetet i Bergen, Universitetet i Stavanger og Universitet i Oslo.

Forskningsrådet har tildelt 16 millionar til prosjektet. I tillegg bidrar Høgskolen i Bergen og Universitetet i Stavanger med midlar.

FØRSTE PH.D.-STUDIUM GODKJEND

NOKUT godkjende i 2014 Avdeling for lærarutdanning sitt ph.d.-studium Studier av danning og didaktiske praksiser. Dette er ei tverrdisiplinær og profesjonsretta forskarutdanning som skal kvalifisere for vitskapeleg arbeid og forskning innanfor utdannings- og opplæringssektoren, kultursektoren og andre sektorar. Det er det første godkjente ph.d.-programmet til høgskulen, og studiet møter dei nye krava til profesjonsretting, storleik og tematikk som er krava til UH-sektoren i framtida.

Høgskolen i Bergen utdannar lærarar til barnehage, skule og kultursektor. Ph.d.-studiet bind saman undervisnings- og læringspraksisane i desse institusjonane. Programmet tek til våren 2015, og vil frå hausten same år ha heile 10 fullfinansierte kandidatar i første kull – ein svært god start.

SIVILINGENIØRUTDANNING I BERGEN

Høgskolen i Bergen leier arbeidet for Science City Bergen. I 2014 la dette grunnlaget for ein avtale mellom HiB, UiB og NHH om å styrke og vidareutvikle sivilingeniørutdanninga i Bergen. Og potensialet er stort - i 2014 fekk heile 424 studentar bachelorvitnemålet sitt i ingeniørfag, ein solid auke frå 2013, og ei dobling på 10 år. Dette er eit unikt rekrutteringsgrunnlag for master i teknologi/sivilingeniørutdanning som studentane har aukande interesse for, og som er etterspurd av det regionale næringslivet.

Ved hjelp av Framostiftelsen vart det også gjort viktige rekrutteringar på professornivå som styrker avdelinga sitt faglege tilbod. Tilsettingane vil styrke desse faga og legge til rette for eiga mastergradsakkreditering i viktige tverrfaglege område der fleire fagmiljø bidrar.





UTVIKLAR FLEIRE DOKTORGRADSPROGRAM

Utviklinga av doktorgrads-programma ved Avdeling for ingeniør- og økonomifag og Avdeling for helse- og sosialfag held fram. Arbeidet med det fjerde doktorgradsprogrammet - Innovasjon i et profesjons- og samfunnsperspektiv - tok til i 2014. Godkjenninga av det første ph.d.-programmet ved HiB, Studiar av danning og didaktiske praksisar, er eit resultat av godt og målretta arbeid over fleire år.

ETIKK, REDELIGHET OG PUBLISERING

Etikk og redelighet har vorte sett på dagsorden på fleire arenaer og gjennom ulike aktivitetar. Eit nyetablert utval har mellom anna invitert til diskusjonar om etikk og redelighet i forskingsfrukostar og i debattar. Høgskolen har også lagt til rette for ei auka open access-publisering gjennom etablering av eit open access-fond og tilhøyrande dokument med retningslinjer.

AUKA VITSKAPLEG PUBLISERING OG EKSTERN FORSKINGSFINANSIERING

Den positive utviklinga med aukande vitenskapleg publisering fortsette i 2014, dei siste fem år har auken vore på 20 prosent per år. HiB kan også vise til auka innhenting av ekstern forskingsfinansiering, mellom anna gjennom Norges forskingsråd. Det vert arbeidd målretta og strategisk for ei fortsatt positiv utvikling på dette feltet.

FOU-PRISEN TIL FRODE F. JACOBSEN



Professor Frode Fadnes Jacobsen fekk tildelt FoU-prisen for 2014.

Han har markert seg som ein fagleg dyktig, kreativ, inspirerende og inkluderande forskingsleiar. Jacobsen har leia Senter for omsorgsforskning Vest sidan det vart oppretta ved høgskolen i 2008, og har utmerka seg ved sin innsats i oppbygginga av forskingsmiljøet ved senteret. Gjennom sitt forskings- og formidlingsarbeid er han med på å synleggjere Høgskolen i Bergen som forskingsinstitusjon både nasjonalt og internasjonalt.

STABIL SØKING TIL UTDANNINGANE

Høgskolen har i mange år hatt god og stabil søkning til utdanningane våre, og har mange godt kvalifiserte søkjarar til grunnutdanningar som er viktige for samfunnet.

Vi har høge mål om god kvalitet i utdanninga. Universitetsambisjonen tilseier dessutan klare mål for utvikling av studieporteføljene. Alle avdelingane fekk etablert nye masterprogram i 2014; Fysisk aktivitet og kosthald i eit skulemiljø, Innovasjon og leining, og Klinisk sjukepleie med nye fordjupingar. Det var også eit stort høgdepunkt at HiB i 2014 for første gang passerte talet 400 nyutdanna ingeniørar. Dermed er høgskolen framleis den institusjonen som utdannar flest ingeniørar på bachelornivå i landet.

Dei mange avanserte spesialromma og laboratoria i nybygget bidreg til både å styrke utdanningane våre, og gjere dei meir relevante.



OPNINGSVEKE MED FARGERIKT PROGRAM

Mimes brønn på Campus Kronstad var fullsatt av smilande andlet og festkledd folk under den offisielle opningsseremonien 22. september. Sjøforsvarets musikkorps sørget for ei høgtideleg opning med stykket «Beveg! – fanfare til HiB Kronstad», komponert av førsteamanuensis Jostein Stalheim.



Statsråd Monica Mæland tok i mot nøkkelen på vegne av regjeringa, og takka Statsbygg for ein godt utført jobb. Nøkkelen gjekk vidare til rektor Ole-Gunnar Søggen som framheva kvalitetane i bygget, og siterte arkitekt Gudrun Molden på at arkitekturen er ei samansmelting av politikk, teknikk og poesi. Frode Grytten og Pedro Carmona-Alvarez med band leverte eit flott bestillingsverk tileigna det nye bygget. Framføringa vart avslutta med strofa «Det er du som bestemmer kva bygget skal bli».



Nøkkeloverrekkinga vart startskotet for ei aktiv opningsveke, spekka med fagleg og kunstnarisk program for både tilsette, studentar og gjestar frå heile regionen og internasjonalt. Hundrevis av nyfikne menneske gjekk ut og inn gjennom dørene på høgskolen denne veka. Ein festival på campus Kronstad for alle tilsette og studentar vart ei flott avrunding av opningsveka.

Kronstad opna dørene:

Konsert i Kronbar (øvtst), engasjerte studentar tek del i Beveg-prosjektet (i midten), og rektor Ole-Gunnar Søggen held velkomsttalen til dei nye studentane (nedst).

FEIRA NYTT UTDANNINGS- OG FORSKINGSBIBLIOTEK

Det var ein stor dag då den offisielle opninga av høgskolen sitt nye bibliotek fann stad. Etter ein omfattande prosess med samling og integrering av dei ulike biblioteka frå dei gamle campusane, kunne rektor klippe snora for det flotte biblioteket i hjartet av Kronstad. Saman med biblioteket i Møllendalsveien er dette blitt eit populært samlingspunkt for kunnskapstørste studentar, tilsette og besøkande. I tillegg til å gjere faglege informasjonsressursar tilgjengelege, tilbyr biblioteket kurs og rettleiing i å utnytte faglege informasjonsressursar i utdanning, forskning og profesjonsutøving, og er ei støtte i formidlinga av forskingsresultat.

NOKRE NØKKELTAL

TALET PÅ STUDENTAR

Eigenfinansierte	7245
Heiltidsekvivalentar	7539
Personar eigenfinansierte og betalingsstudentar	8382

TALET PÅ UTVEKSLINGSSTUDENTAR

Innkomne studentar totalt	102
Utreisande studentar totalt	341

TALET PÅ UTEKSAMINERTE KANDIDATAR

Helse- og sosialfag	449
Teknologiske og økonomiske fag	601
Lærarutdanning	542

TALET PÅ STILLINGAR I ÅRSVERK

Undervising og forskning	522
Administrasjon	204
Drift og ulike støttestillingar	46

KVALIFIKASJONSOPPRYKK

Professor	5
Førsteamanuensis	9
Førstelektor	4

VITSKAPLEG PUBLISERING

Registrering i Cristin totalt	1219
Vitskapleg kategori	286
Publikasjonspoeng	154,83

ÅRSREKNESKAP

Inntekter	866,8
Driftskostnader	1070,0

EKSTERNT FINANSIERT VERKSEMD

Omsetnad (kun BOA)	74,9
Overskot	6,3

HØGSKULESTYRET

Styreleiar

Rektor Ole-Gunnar Søgner

Tilsette

Sissel Johansson Brenna, Asle Holthe,
Beate Lode og Henning Norheim

Studentar

Daniel Martin Benjaminsen og
Marianne Rødseth Esepelid

Eksterne medlemmer

Kristian Helland, Mona Røsvik Strømme,
Atle Tidemann og Sissel Østberg

Sekretær

Høgskuledirektør Audun Rivedal